

Tin indicacion cu:

Segun Villes Franken di OLA...

Aruba a conoce un caso mortal di hende homber cu cancer na pecho

ORANJESTAD (AAN) -- E relato cu DIARIO a publica dialuna ultimo, tocante cancer di pecho den hende homber, a capta atencion di diferente lector, y incluso tin hende cu como dos aña pasa a atende un conferencia riba cancer, organiza pa Wilhelmina Kanker Fonds, y e ta corda cu un di e docternan cu a hiba palabra, contestando un pregunta di e publico, a confirma cu na Aruba tabata tin un caso di un hende homber cu a muri di ca na pecho.

E ta corda cu e docter a enfatisa cu esakinan ta casonan isola, pues cu ta sosode masha rara vez, pero e posibilidad tey cu hende homber tambe por haya cancer na pecho.

No obstante esaki, e cultura en general di hende homber ta haci dificil pa nan tene un control medico especificamente pa detecta ca na pecho.

Un señora a conta nos cu su casa tin un pipita den un seno, pero no tur ora e ta accesible na e tacto. Ta manera e ta sconde, y despues di cierto tempo e ta bira palpable bek. Pero e no ta kere cu ta nada malo pasobra e no ta muestra ningun sintoma, e por ta un klier benigno tambe, segun e dama a comenta. Pero e lo sinti su mes mas trankil si su casa por haci tog un chekeo, sikiera un echo, pero tampoco

esaki e kier.

Tin un pregunta cu a bin acerca for di opinion publico, y cu casualmente a worde comenta den nos redaccion tambe, si e hecho cu cancer di pecho ta afectando cierto cantidad di hendenan homber, por ehemplo na Merca, lo por ta relaciona tambe cu e alimentacion unda hopi producto ta worde someti na tratamento cu hormona (animal comestible y berdura), y e hecho cu hopi homber ta consumi steroid y otro productonan pa haya musculo, entre otro musculo pectoral (body building).

En todo caso, importante ta cu a lanta concientizacion cerca algun lector riba e desaroyo di cancer di pecho entre hendenan homber y cu esaki no ta limita na hende muher aunke nan ta e grupo mayoritario. Pues, ohala e articulonan concerni lo yuda preveni of detecta na tempo, en caso cu lo por tin mas hende homber na Aruba cu ta sinti un pipita of un dureza den e area di pechonan y cu lo por a spierta nan pa bay docter check esey.

ORANJESTAD (AAN) Den un entrevista cu DIARIO a hiba cu Villes Franken, coordinador di e campaña di OLA, el a declara cu:

"Na momento cu 'status Aparte Plus' a ser menciona hopi ta e hendenan, cu ta AVP, esnan di den MEP y tur otro hende cu semper a para ariba cu Aruba mester ta los for di Antiyas y para banda di Hulanda como Pais den Reino Hulandes, a keda contento cu por fin a surgi un opcion cu cual nan por biba di verdad.

Villes a sigui bisa cu den su opinion, "difuntonan Henny Eman, Juancho Irqausquin, Shon A. Eman, Betico Croes y Watty Vos mester ta den un alegria cu e descubrimiento grandi aki. Aruba asina lo yena cu un inmenso satisfaccion na momento cu firma e 'status Aparte Plus' cu Europa Unie dilanti di Hulanda. Esaki mester ta e promer tarea di e proximo gobierno y pesey

Politiconan Arubano mester para tras di 'status Aparte Plus'.

"Proximo eleccion lo obliga MEP acepta cu e mester bay para tras di 'status Aparte Plus' cu lo determina e futuro politico y comercial di e jovennan cu ta spera ariba un alternativa den e mundo modemo cu ta para nos dilanti. Ariba tereno Politico nos tin respet logra den mundo y e discusion riba tereno financiero-economico cu Hulanda semper a stroba, e biaha aki e mester para keto cu 'status Aparte Plus'.

"E asunto di Referendum ta bin na vigor despues cu Pueblo duna mandato pa bringa pa 'status Aparte Plus'. Tin varios Politico poniendo nan mes den e fila grandi di Politiconan cu lo sinta na mesa cu Europeoan encuan to futuro di Aruba den Caribe. Hamas nos Arubianonan mester acepta integracion den Europa, nos mester keda cu e posicion



autonomo y sigui dune mas contenido huridico. Mediante 'status Aparte Plus' nos lo obliga Hulanda duna Aruba e posicion di igualdad den e Statuto modemo cu nos lo mester firma pronto.

'status Aparte Plus' despues di su introduccion den pueblo a pasa tuma e posicion mas halto cu UPG, pasobra tur hende ya ta comprende cu e ta integracion den Hulanda y alaves den Europa Uni.

THE WILD WEST BODY GUARD!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Religious Clock

Afl: 4,95

TELEFONNAN

DI DIARIO

582-6747

FAX

582-8551